

道光肇慶府志

肇慶府志卷十七

官績三 國朝

佟養甲

吳興祚

石琳以上總督

王安國

程巖以上學政

趙進美

趙廷標

胡永亨

彭端淑以上分守巡道

史樹駿

張至隆

宋志益以上知府

謝廷策

楊雍正

譚桓

王士瀚

韓際飛以上高要縣知縣

侯昌允

黃任以上四會縣知縣

劉可模

劉衍民

查蜚英

樓日章

魯遐齡

劉芳漢

陶世鳳以上新興縣知縣

林組新興縣訓導

單九翔

張含瑾

康善述

李敬修

蘇澎

黃博厚

李瑞麟

王鵬荔

以上陽春縣知縣

劉士課

霍雋韡

陳銓

以上陽春縣教諭

岑理

陽春縣訓導

范祝

周復揚

孫廷鐸

范士瑾

胡承謀

莊大中

伍斯琳

李青

李協伍

朱麟徵

以上陽江縣知縣

陳有懿

陽江縣教諭

張國城

于學

鈕琇

胡國楷

鄭其仁

楊興邦

張善述

崑開發

李植

以上高明縣知縣

李之任

洗瞻宗

蘇后來

以上高明縣訓導

鮑之奇

葛日彰

龐珍

周賓雅

何達善

曾夢

李文藻

以上恩平縣知縣

楊嘉模

甯堯采

李本潔

以上廣寧縣知縣

高子翼

甯養冲

林子蘭

薛璧

陶世鳳

以上開平縣知縣

黃大鵬

阮懋業

唐若時

以上鶴山縣知縣

郭大鐸

鶴山縣巡檢

劉晉康

饒崇秩

王基鞏

李育熊

張安鼎

徐志培

祖德宏

何世琬

以上德慶州知州

邱之澄

德慶州學正

郭曉

鄔大沛

柯玉齊

以上德慶州吏目

彭天壽

郭景祥

劉衛

許維新

閻宗衍

彭翥

胡縵蘭

以上封川縣知縣

韓海

封川縣教諭

錢憲

封川縣巡檢

張冲斗

邵龍光

張耀壁

以上開建縣知縣

鄭茂惠

羅學述

符思超

以上開建縣教諭

相君業

開建縣典史

蔡俊

潘昭

張權

以上武職

國朝

佟養甲字陸海奉天人從 龍世閔隨貝勒克閔授兩廣總

督奉

命平定百粵順治三年偕提督李成棟統師入潮州先遣閔  
衿黃夢麒宣諭威德潮人赴關迎附時羣盜黃海如劉公顯  
等各擁眾數萬分據州縣養甲剿撫並用盜各歸順由惠入  
廣撫循難民以次削平山寇招徠新附四年順德亂民余龍  
等以巨舶數百圍廣州養甲水陸邀襲龍敗走七月故指揮

楊可觀等欲以城應賊養甲斬以徇俘其黨三千餘人時羽  
書旁午帶甲縱橫養甲善以控馭凡糗糧餽牽之借索者樵  
蘇蒐獵之蹂藉者約束嚴明民咸賴焉粵土初平諸司未及  
銓授養甲妙選幹員慎簡廉吏劣者置諸法不少寬五年戊  
子歲饑養甲捐金平糶存活甚衆是年成棟以肇慶叛脇養  
甲不從死之康熙二十三年祀名宦

金通志

吳興祚字伯成號留村正紅旗人初任江南無錫令康熙十  
四年耿逆披猖隨王師平閩以功署觀察使及臺灣底定  
遂超遷閩撫康熙二十一年特命總督兩廣入境之日相  
度機宜部署廢藩綠旗官兵分左右翼左鎮廣州右鎮韶州  
制軍坐鎮上游控御全粵得扼要之勢逆藩尙之信以罪誅  
遺孽猶擅鹽鐵重利興祚澄剔甦民東安之河頭西趨高涼

直抵瓊州舟車輻輳百貨鱗集奸猾胡從等據市籍率二十而奠一緡興祚杖而逐之粵錢法壅滯興祚設局鼓鑄經畫悉協錢乃流通至於招墾荒嚴營汛春秋耀旅闔場聲振林木海不揚波苗蠻歸化自崧臺解組待

命五羊猶躡屐花田泛舟珠海與騷人墨客吟咏唱和所著有宋元聲律選及史遷句解歸朝後復出爲古北口都統卒於官訃至兩粵之人奔走聚哭祀名宦

郝通志

石琳字瑯公滿州正白旗人父某開國元勲封忠勇伯琳第六子也初由佐領禮部郎中擢山東觀察使歷任浙藩開府滇楚所在建祠尸祝康熙癸酉特簡總督兩廣下車相險阻水陸營堡基置星布宵壬屏跡康熙三十五年東粵告饑乞糴於西西人遏糴琳爲講通法爰有泛舟之役復解俸散

給糜粥存活甚衆端江羚羊峽當西流之衝暴水潰堤琳朝服立堤上刑馬沉玉禱於江負薪塞堤水卽退康熙辛巳決黎讞於瓊南殲渠魁釋株連民用大定壬午猺人肆擾其窟穴八排在萬山之中琳提師會剿采八其阻蠻烟瘴雨中入腎胃而琳憊矣琳官粵一十四年分圖甲而錢糧清查私稅而商賈悅恤囚獄而瘼斃解嚴海防而盜風息重文行而士勸學禁鬻女而民興慈流風善政之在人者蓋百世不諼者也猺人平復與疾會讞廣州

聖祖仁皇帝命使者齋藥存問琳拜

恩泣不能起登舟歸數日病革遂卒百姓巷哭聲相聞

聖祖遣官致祭粵東西之民相與肖其貌而祀之

同上

王安國字書城高郵人雍正甲辰會元 殿試第二人授編



修十一年擢司業十二年遷侍講九月提督廣東肇高學政

十月擢侍讀學士僉都御史仍留學政任舟車開舊制院門

嚴啟閉安國曰人之欲寶在心苟無欲雖日啟門何患乃設

西齋延見諸生令長揖不拜使知重廉耻長氣節自是士子

俗習盡除文風丕變後累遷至吏部尚書卒於家諡文肅淮海

英靈集

程巖字巨山江西鉛山人乾隆己未進士授檢討十三年出

為肇高學政憫粵士文章淺陋乃選先正時藝一帙曰文轍

又評隲八家古文刊給諸生俾知取法試日輒口授指畫不

倦所屬士氣振興領解首掇巍科為向來所未有旋擢侍讀

明年特授右庶子疏請廣東學政可以一官兼督部議報

可

高宗純皇帝卽敕嚴任之潮州食穀仰給潮陽揭陽辛未嚴  
按試至潮值歲歉度兩邑士子所攜食米裕遂先試二學三  
日竣事被黜者鬻米而去得萬餘石市價乃平嚴性冲和平  
易而操持謹密使人親愛之而不可狎汲汲掄才不憚勞瘁  
務殫厥職粵士謂學使自惠士奇後嚴亦爲賢云後厯官禮  
部侍郎以終養歸卒於家

忠雅堂文集

趙進美山東益都人順治庚子轉廣東布政使司參政分守  
左江道甫抵肇慶防兵以缺餉大譁進美單騎至其營諭禍  
福衆遂定會藩司缺督撫將以屬進美進美念父母年老亟  
圖北歸省覲力辭以齋表請行而左江道尋裁去

續集

趙廷標字叔文錢塘人順治三年以諸生從軍由縣起攝府  
事康熙十年由普安兵備道調廣肇南韶道兩廣八排諸寇

聞廷標至立解值連州寇起鎮臣以剿捕方畧委之廷標寇

素稔廷標威望至即就撫粵中分巡使者舊有柴薪錢屏不

受給民之勞弱無告者浙江通志為政務持大體逾年以丁憂去

後歷楚南秦隴皆有政聲祀名宦郝通志

胡永亨守恒子守恒死壬午難永亨募勇士夤夜入賊營收

父骸而葬之康熙庚戌成進士為戶部郎中奉

命鞠廣東獄仁恕得情分巡肇高廉羅道公廉持法於積弊

多所釐剔大清一統志

彭端淑字儀一四川丹稜人雍正癸丑進士由吏部主事洊

擢考功郎中以京察授肇羅道署按察使粵東好訟積案三

千餘事端淑檄調諸州縣卷牘集幕客分案批閱之不三日

結二千九百餘案見者驚服稱神明焉在巡道任與郡守吳

繩年修府志善詩古文詞以儒吏稱而又明於訊斷云

阮通志

史樹駿江南武進人康熙八年知肇慶府甫下車剔釐宿弊吏畏民懷期月而郡大治時有神君之頌前朝郡乘鼎革後蕩然無存樹駿購求數載始得陸太守鑿刻本於郡人梁應時家考正舛誤編輯成書爲三十二卷一方文教賴以不墜

舊府志

土棍乘亂誣害良善樹駿察其冤皆立予省釋郡有巨

猾煽誘閭里間密訪捕之置之法曰不去此不足以活一郡人也又力行保甲奸宄無所容一年之內四境肅清民立碑

頌德

張循吏郡伯德政碑

張至隆鑲紅旗人康熙三十二年爲肇慶府以廉潔率下僚屬敬畏肅學校勸農桑飭保甲省刑獄士民頌之郡當牂牁下流歲三四月西流暴漲廬舍漂溺豐樂長圍一決則受害

更烈至隆親駕小舟於研沙矜峽間躬先負土日夜督率堤  
以永固從肇慶新橋而上人烟寥落山路多歧舟人以胡蔓  
毒藥爲香燃之客皆迷惘遂啟鑰竊其資名曰夢香船至隆  
捕得悉投大江中其患始息黃江厥稅胥吏多橫索至隆悉  
裁抑之商民立碑記焉祀名宦

郝通志

宋志益長洲人康熙五十二年知肇慶府以廉介稱父廣業  
以濟東道明農家居志益重閭包孝肅菊圃迎養其中以教  
孝乙未朱天相嘯聚焚掠志益親行剿捕旋卽撲滅民用安  
堵又續緝郡志典贍有體與史志並稱

吳志

謝廷策字仲若浙江人貢生知高要縣時順治七年冬歸正  
之初民未衽席廷策勞來安集撫字有方又能設法勸諭以  
辦軍需催科不擾受事數月卒於官士民痛惜之

阮通志

案謝廷策高要高明兩志並收事蹟亦同未詳孰是  
惟新舊通志及吳志列入高要今從之

楊雍建字自西浙江海寧人順治乙未進士十四年知高要

縣

浙江通志

高要當廣右之衝制府駐節於是師行絡繹供億甚

煩羽書一至徵民夫累百動遭鞭笞夫過黠冊逃避胥吏繫

之若牽羊犬納諸解宇隙地凍餒者多雍建下車未久曰民

夫亦人子何忍使之露宿命徙廡廊下徹酒饌給之夫泥首

謝有泣下者平南靖南兩藩王兼鎮南海鹽穀絲麻輸官價

百倍而縣境羚羊峽產硯遺其掾採石日役黃岡村夫匠無

算篝火入巖穴有失氣死者雍建力減浮費掾以硯奉却不

受人比之包孝肅云師中索榕樹條爲縮繩以燃礮火風雨

不熄有百夫長持軍符下縣徵解語不遜雍建坐而撻之泣

告其帥帥愬之制府王國光國光曰書生疆項廉吏方剛是不可犯乃杖百夫長薦雍建於朝故事州縣守令厯再期始預薦牘三年方報最其次給由量銓雍建治高要縣甫一載就徵洵異數也

世祖章皇帝召試者再授兵科給事中尋陳廣東八害大旨謂委署太濫雜派太煩里役無定例用夫無限數鹽埠日橫私稅日盈砍柴採木日肆流毒皆切中時弊

阮通志

譚桓景陵舉人知高要縣有賢聲德慶州民羣請借攝康熙十一年署德慶州事逃民襁負來歸者甚衆州被安靜之澤

舊志桓所輯也

德慶志

王士瀚陝西咸寧人進士由翰林改官乾隆十三年作令高要愛民好士有人倫鑒時龔驂文方應童子試以占籍被攻

許士瀚諭衆曰此子必由詞館起家爲爾邑光遂拔置冠軍  
贈以翰苑先聲額越十年騶文果登翰林仕至宗人府府丞  
士瀚曾修縣學宮有記在任數年至今人猶思之

宋訪冊

韓際飛字誠齋浙江山陰人嘉慶二十三年權高要令道光  
元年實任性耿直言皆可復尤善治盜每微服宵夜親緝盜  
巢獲懲不少寬縱或以盜攻盜而貸其前愆縣屬富佛峴岡  
等村向多匪盜至是絕跡終其任境內輯安嘗詳請動項修  
葺城垣建東西礮臺躬親料理帑不虛糜工程最稱完固云

宋訪冊

侯昌允

吳志作昌印

字充魯江南人監生順治十一年爲四會令

人民凋弊力爲鳩聚恤里役革陋例諮訪利弊因時立法公  
暇則進多士而庭教之恬淡寡營意氣謙謹士民樂其政而



服其教

郝通志

黃任字莘田永福人壬午舉人雍正二年官四會令天才敏捷判決如流日不移晷而案牘已空因復延接俊彥談詩角藝日以爲常坐是頗爲上官所不喜縣有龍腹堤大沙堤皆捍田千數百頃大水陡發堤潰田湮任捐貲修築未及竣事以縱情詩酒被劾任旣去官仍典賣衣物以歲厥事百姓德之各贐金錢以償任一無所受歸日惟端坑石數枚詩束兩牛腰而已至貪泉曰吾無愧此君掬一勺飲之至擲硯沙曰人生不可有嗜好吾有硯癖慚見此君矣命榜人拿舟從他路去

阮通志

劉可模福建龍溪人舉人順治四年知新興縣禮士愛民力守危城保全萬命

吳志

劉衍民山西解州人歲貢順治十二年知新興縣時經西寇蹂躪十室九空值檄催錢糧衍民寬征以甦民氣有去後思

附通志

查蜚英浙江海寧人舉人順治十三年知新興縣崇文講學獎勵後進改建五賢祠捐俸置鈞城書院考課邑士多所造就以憂去士民爲立碑記附祀五賢祠

樓日章浙江諸暨人吏員康熙五十一年任新興縣丈田畝繪造魚鱗圖冊無奸民隱佔之弊設立甘棠義塾撥田以供脩火土民至今利賴之

魯選齡浙江會稽人進士雍正五年知新興縣改創古鈞書院講學課士文教振興多士至今傳誦

俱同上

劉芳漢軍正白旗人舉人乾隆十八年任新興縣建萬壽宮

修文昌橋學宮積圯百有餘年倡捐修建古筠書院置膏火穀六百石邑志歲久模糊殘缺纂輯重刊餘如城樓道路無不竭力修理百廢俱興邑人至今誦之

縣志

陶世鳳字威仙會稽人知開平縣引水灌田開闢疆場民樂利之調新興監生趙簡祥合七邑匪徒幾萬人於社墟歛盟授官爲不軌世鳳廉得狀飛檄上聞躬率壯勇往猝禽其魁獲逆名簿乃佯笑揚言曰封官授職是優人演劇所爲也詎可以呈上官耶當衆焚之左右將反側者乃安世鳳仍默識其渠首間道歸獲之事遂寢縣民立祠報德總督李侍堯具其事入薦剡陞澳門同知所至有聲

阮通志

林組字儒楨南海人乾隆壬午副榜新興訓導敦崇實學勤於訓士初履任時治學圃得舊碑知學田多爲人隱占閱十

載不問去任時始釐正立案人咸欽服著有周禮提綱輯注待薤草善成堂制義行於世

採訪冊

單九翔號四明浙江人拔貢順治十二年知陽春縣清儉愛民時平靖兩藩王統師駐省供費不貲九翔處之得宜民以弗困後靖藩移鎮派用夫船費以萬計九翔力爭得少減由是憤恚成病彌留時視其子及屬官曰吾死不足惜難割者吾民耳言畢而逝貧無以歸櫬士庶捐金賻之并建祠以祀

阮通志

張含瑾字荆函山西蒲州人康熙八年知陽春縣興利除弊發奸摘伏里甲再見卽識其姓名其明敏如此雖極狡黠莫能欺焉常爲建昌司理訟牘至卽片言立折人人悅服迨裁推官補縣令猾吏奸胥無敢弄法

康善述字達才山西絳州人拔貢生康熙二十五年知陽春縣時縣多盜甫至卽訪擒其黨置諸法合境肅然邑無賴有輕生以誣人者爲害最甚善述重懲嚴禁弊俗一變捐俸建學宮後飛雲聚文二樓復編修邑志在官六載執簡御煩而政事整理俱同擢知河南磁州去有生祠今併五循祠祀之

陽春志

李敬修字宇迪

宇舊志作宙

山東博興拔貢生康熙三十一年由

教習出知陽春縣宅心慈惠而廉介自持嚴束胥役無敢舞文者愛賢樂士有古循吏風丁丑大饑捐俸倡賑存活以萬計任五年政聲大著去之日士民流涕與康善述並祀焉

通志

蘇澎字碧泉河南汲縣人康熙己丑進士五十九年知陽春

縣敏捷嚴明長於剖斷案無留牘邑刁民屢以假命誣人動以傾產泐灼知其詐重懲反坐其弊始息辛丑三月天偶旱未雨奸民倡亂搶掠幾至不測泐立懲其魁餘黨消散民得安堵同上乙巳奉檄丈田泐照舊額均賦不事紛擾民甚賴之下車時見學宮面湫隘請闢文明門以導秀氣科名由是蔚起丙午春以疾辭職民立生祠祀之今併八五循祠陽春志

王博厚山東黃縣人雍正二年

舊秩官表作雍正八年署任

由舉人知陽

春縣爲政廉而明剔奸摘伏莫遁毫髮尤以移風易俗舉廢

墜爲已任甫下車革陋規殆盡建窩舖修馬路創堆舖獄房

皆捐俸爲之又置倉邊巷書院田租每接士輒咨以所設施

有不便民者卽翻然改其虛公納善如此去任後民建祠合

前單康李蘇四合同祀之曰五循祠

阮通志

李瑞麟江西人丁丑進士陽春知縣英敏廉決治獄有識民無遁情每鞠讞父老扶杖環觀獄成衆皆欣服傳爲美談嘗自撰句云留意莫輕硃一點驚心常聽鼓三聲可想見其人也

陽春志

王鵬荔山東蘭縣人嘉慶十五年由進士知陽春縣勤政愛民清白自守捐廉重修瑞雲書院刊制藝約說課士邑中知名士多出其門遺愛及今士論不泯

采訪冊

劉士課字漢生新會人歲貢生康熙二十年任陽春縣訓導其學得江門之傳與多士深研性理多所啟發性恬淡不屑名利三十三年任升福建建陽縣丞

吳志

霍雋韓字偉卿南海舉人康熙三十九年任陽春教諭著鐸言及吾師錄以訓士一時諸生多感發興起爭自濯磨吾師

錄者僞紳所輯講學書也太史仇公兆鼐至端州見之稱善制序刊行其學務在躬行不貴虛言教人以復性知本爲要四十二年以送試疾給假歸里卒於家所著有四禮準繩順寧錄諸書與鐸言吾師錄同行於世

陳銓字次臣興寧縣人拔貢生康熙四十三年任陽春教諭待諸生恩義周至講課諄切著有四書及詩經擬旨任五年以丁憂去時年已古稀矣

同上

岑理號粹庵西寧人由庚子孝廉選授陽春司訓課士以誠待人以禮在任十餘年生徒贊修未嘗一掛齒頰諸生有不凜繩尺者必諄諄勸諭之去日紳士餞送十餘里

陽春志

范祝字五全浙江會稽人順治十八年由拔貢爲陽江令慈惠廉介政尙寬平禮賢愛士振興文教居任三年以憂去囊



無餘貲父老號泣送其行去後猶立碑以誌不忘

金通志

周復揚字魚服江南武進人以恩薦授臬司知事康熙元年攝篆陽江值軍興徵發之後戶口遁散民間苦於賠累爲之惻然不忍鞭箠乃從里甲中編立花戶使完欠有分民無牽累之苦火耗加羨一無所取民漸歸業會考成嚴急竟以催科政拙奪職布袍草履而去

吳志

孫廷鐸字道宣山東益都人相國文定公廷銓介弟也

陽江志

康熙七年以舉人知陽江令潔已愛民會海寇充斥沿海居民內徙協鎮建牙多所徵發又太平驛站疲於供億民不堪命廷鐸均力爲請免展界後分給牛種開墾荒蕪復履畝均丈虛稅一清續輯邑志增建城樓雉堞橋梁社學百廢俱興歷任八載士民德之尸祝於濂溪書院

舊府志 王士正陽江縣知縣孫公墓誌

修邑自康熙辛丑就選戊申得廣東知陽江縣距海三十里  
 東遠問海西達瓊廉南通交趾北津要戍重鎮建牙兵民錯  
 處以號難治延鐸始至值禁海下令遷界瀕海之民流冗失  
 業延鐸多方招徠勸墾闢復業者萬餘家五年中墾田至  
 于六百頃有奇復墾田百七十頃有奇墾戶八百六十丁有  
 奇輟舊無赤厯糧多飛詭延鐸考全書刊田單案田單定徭  
 賦吏胥不得上下其手飛詭之弊遂絕大猾李桃者凌暴一  
 方前延鐸爲之囊橐前合典取梟制延鐸急捕獲立杖殺之  
 豪惡服慄縣有蠶戶以遷界失恆產聚島嶼肆掠民苦之延  
 鐸力主招撫蠶目石貴等相率歸正復爲良民延鐸木儒者  
 以經術飾吏事而爲政嚴明不畏強禦雖漢張敞尹翁歸無  
 以踰之已卯用兵高涼軍於縣之儒峒時延鐸已內遷猶詳  
 免夫役三千人請准鄉勇三百人入伍支饟省民間供億不  
 可勝計陽人德之又以餘力繕城郭葺官署開園種樹吟嘯  
 自適緒提精舍竟日忘歸乙卯秋援新例捐納中書其冬奉  
 徵離任戊午秋試巡撫特題留分校文武兩闈蓋延鐸之文  
 學治行有以獲上者如  
 此庚申北歸遂不仕

范士瑾字聞西山東青城人癸丑進士康熙二十四年任陽

江縣時田稅兩奉遷移展界墾復荒熟混淆士瑾詳請通丈以清賦稅民使之他如設立義學修輯志書免太平驛夫以

紓民困復那羅廢堤以奠民生政績所垂尤卓卓可稱

吳志

胡承謀江南涇縣人康熙四十四年以進士知陽江縣甫下車問民疾苦清釐積弊蠹役猾吏咸斂跡捐俸倡修學宮建文塔公餘集諸生校試手定甲乙獎勵士風五十五年陞刑部主事邑人思之祠於濂溪書院

阮通志

莊大中號鏡堂江蘇元和人丁巳進士乾隆八年由東安調知陽江留意文教濂溪舊院往時繪奉大士像於後堂謀於紳士撤去而維新之以肅居業之所又裁撥院租爲延師課士費文風由是振興至續輯邑志勘定海界俱治蹟之可紀

耆志

伍斯琳江西舉人乾隆十二年知陽江縣蒞任不攜妻子無幕賓廉明果斷摘奸如神值告期閱狀後准理者卽票差計

里給錢署票尾不許多索疑讞必虛心訪確而後斷剔去催科積弊正供之外毫不自潤暇則進諸生論文課藝夜則微服巡察奸宄尋解組士民攀留弗遂涕泣送之

阮通志

李青浙江平湖人乾隆十七年由進士知陽江縣待士以禮御下以寬歲饑發倉賑濟剴切勸捐人爭推解全活無算廉潔自持一介不取時有李青天生佛婆之頌

陽江志

李協伍號華峯天津青縣人拔貢乾隆六十年任陽江知縣江俗前此多藉命嚇索吏胥緣以爲奸羅織又從而甚之自李協伍蒞任後此風頓息遂有官清民樂之頌時海氛充斥獲盜多誣扳海陵人爲黨大吏疑爲盜藪檄文武會勘人情洵洵協伍力止兵差騷擾編其戶口核實具詳士女如獲再造恩嘉慶丁巳調知博羅未幾復任前後五載民咸愛之

朱麟徵號蔚齋宜興舉人嘉慶五年由縣丞權知陽江縣事  
性沉毅能斷邑土豪爲匪會誘脇日衆肆行鄉曲麟徵思捕  
之慮胥役多勾結匪黨外佯置之密與職官紳士定計不煩  
兵力不累無辜歷年積匪靖於一旦士民賴之後以功授新  
安縣令去但同上

陳有懿字守瓶興寧人已酉拔貢嘉慶四年任陽江教諭貌  
溫而恭言寡而中士類欣親炙之參謀決策與平會匪尋以  
終養去官陽江志

張國城字宗子江南舒城人康熙十三年由進士授高明令  
寬厚慈愛視民如子斷事公正不受請託而加意禮士甫下  
車遇鄰寇刦潮泔村焚殺男女十餘人國城請兵滅賊弔孤  
恤傷凡被難鄉民緩其征蠲其役給發牛種俾無廢業任二

年辭職去民如失父母至今思之祀名宦

郝通志

于學江南吳江人康熙二十三年知高明縣時高明田地尙多舛錯或田盈稅絀稅盈田絀熟假荒免荒代熟差甚則人逃田在藉口逃荒告蠲告免正雜錢糧官民交累學下車採訪民艱洞知宿弊遂履畝清查熟田荒田荒墾待墾無不釐清注明鱗冊自是官清民樂政簡訟息丁卯奉檄修邑乘學總厥成并捐俸以新學宮開義學重建尊經閣以迄橋梁市村亭臺宇觀無不繕葺又發粟賑饑賜錢助塋給牛種築墟堤興利除害實心實政稱循吏焉

阮通志

鈕琇字玉樵江南吳江人由選貢初令項城丁憂康熙三十七年補高明縣山界連鹿峒皂幕諸峰通藥逕盜所出八琇以情致諸盜魁傾巢而出者二十四人請之上官人給免死

牌一使守禦贖罪貧者計口授食卜室居之諸盜相戒毋犯  
由是邑無警水界連牂牁每西江漲則基圍易決琇修築維  
謹間捐金以助之邑鮮水灾尤好獎勵孤寒設義塾以教士  
課其甲乙皆振拔祀名宦

郝通志

胡國楷浙江山陰人進士雍正九年知高明縣廉明正直斷  
事平允民心悅服每月朔望集生童於署中講學課文雍正  
乙卯賓興期屆捐俸首倡修葺學宮用昌文運是科莫忠羅  
天恂歐陽彤同擢高魁其效也後陞部主事

阮通志

鄭其仁由進士出身溫醇慈和初蒞任卽書二牌一曰愛民  
如子二曰敬士如賓坐公堂則置二牌於堦下出則命役攜  
之隨所止處列於其前曰吾以觸目驚心也故尊賢好士出  
於心之誠然每聽訟判其曲直臨刑輒惻然不忍再三曉諭

使知愧悔在任始終未嘗下一杖民亦感化於明邑號稱易

治高明志

楊興邦浙江歸安人乾隆二十二年以拔貢知高明縣英敏有幹畧政簡刑清首興學校尤留心恤民催科不擾戊寅歲饑米價輒貴民不聊生興邦目擊顛連蹙然曰民困若此必待既請然後發粟將無救矣卽開倉平糶賑濟有方且令捕官率幹事者日爲粥給饑民務遍民賴全活後聞於上憲嘉其得救恤權宜之道阮通志

張善述山東高密人進士乾隆二十六年知高明縣沉毅有斷屏黜浮囂署無冗食之人自奉儉樸蒞任四載政去煩苛治尙體要案牘悉清民賴以樂業每月親課士於署隨定甲乙而獎賞之指誨真切俾知向往一時士習彬彬日上未幾



以憂去士民嗟惜

崦開發四川安岳人舉人以單寒起家少爲其邑郭令所器培養至於成名及居官一以郭令所以愛士愛民爲法曰吾不敢負郭公以負家國也戊子冬來署高明會縣試悉心校士再行觀風拔其尤者加敬禮焉以書院爲育人才之地立規條設膏火於寒士復周其困遍察民隱撫字切至當春夏之交西潦大漲三洲圍基將決民畏不敢近開發親踵壞裂處率人堵塞人感激奮勇救護基堤復固圍內數萬家獲全李植山西大谷人進士乾隆四十九年知高明縣首興學校政尙嚴明丙午丁未連年饑饉境無竊盜搶奪圖賴之輩莫能動搖勤聽政幾無積卷三充鄉閭分校稱得人未幾卒邑人哀悼之設位于東洲寺祀焉

俱同上

李之任新會人歲貢康熙十一年任高明訓導端誠寬厚訓

課諸士如春風和氣不計修脯貧者尤感其德焉

吳志

洗膽宗順德人歲貢康熙十三年任高明訓導溫文爾雅才識淵博多著作尤精於書法日與紳士論文課藝吟咏廢和此外別無所求也

蘇后來揭陽人歲貢康熙二十二年任高明訓導老成端重淡靜寡取於諸生不問修費卽首宿有闕恬如也辭職去多

士思之不置

俱同上

鮑之奇浙江人順治七年以明經知恩平縣縣先爲賊據遂卽任於凹頭村之奇屢謀入城五國民遮道泣留不聽一日單騎詣之宣布朝廷恩德賑恤窮黎民皆感悅賊憚之奇得民令其黨何國佐殺之

浙江通志

死之日血漂於地鼠食之皆

自斃國佐忽發狂死

郝通志

今祀名宦

阮通志

葛日彰遼陽人順治八年署任恩平縣時縣境爲賊據者強半餘亦殘破平靖兩藩初入粵百端苛索邑民洵洵不知所措日彰力爲請命牒八上始免復請蠲免荒蕪田稅民賴更生性剛毅藩將驕橫爲民害日彰繩以法無所縱卒以守正不阿忤諸將領罷官士民奔號乞留不獲迄今猶懷其惠云  
龐珍北直人以歲薦爲高要縣丞委署恩平縣是時王興雖除而賊之伏於邑境者猶多名爲就撫實不受約束珍至示之以威有告發者輒擒治之諸賊股慄懾息不敢動其仍行剽掠者卽密會兵剿之民賴以安性廉介絕苞苴未幾卒於官民無不泣下者

周賓雅浙江山陰人康熙三十五年知恩平縣慈惠愛民催

科不擾邑自分建開平後里甲不均民困於役至賓雅始行納役法用無虛費民不偏累闔邑爲頌再造焉

何達善河南濟源人乾隆二年由庶常出知恩平縣愛民禮士清慎自矢性剛介人莫敢干以私庚申邑大水達善徒跣登陴命取縣門額投諸水誓曰滔滔者豈欲沒我邑耶縣名在額請以額代不已令當先從河伯不忍見我民爲魚鰲也水卽退乃捐俸恤災尤厚於孤寡在任五年建明倫堂以嚴訓課添常平倉以裕積貯振興廢墜痛除積弊秩滿陞去民

立祠祀之

俱同上

曾典字麗元號青溪福建平和人登進士第乾隆二十五年知恩平縣事勤政治重文教憫城北南平書院圯度地於東門外建復焉添設生童膏火院西一連構文昌宮宋五夫子

祠稱青蓮草堂以廣肄業齋舍士氣懽騰負笈遊者不以百  
數至今暑夜寒燈書聲盈耳夢之賜也修邑乘網羅散失築  
熙春塔興南塔蒞恩五年百廢具修後調電白去士民懷其  
德祠祀之

恩平志

李文藻字素伯益都人乾隆己卯舉人明年成進士久之謁  
選廣東恩平縣知縣漢學師承記到官後署新安縣奏調潮陽  
俸滿保薦擢廣西桂林府同知未一年卒其居官以清白強  
幹稱嶺南俗多竊牛牛皮色相似雖獲盜多不承有司無如  
之何文藻至令有牛之家各於牛角印烙私記凡赴墟賣牛  
者牙僧以烙印登簿以印授買主如告失牛先以印呈官遣  
役持印驗墟簿無得隱者大府善其法下所部行之陽江民  
劉維邦以母病延道士作法借鄰人刀十柄縛梯上以驅崇

吏索錢不遂取刀送縣誣以不軌文藻奉檄往廉得實白於上官釋之潮陽民好械鬪文藻至懸鉦於堂有將鬪者令地保馳入城擊以告立往拘治衆則散矣自是械鬪稍息縣有東山書院延進士鄭安道爲師購經史子集數十種以教學者潮陽仕其地者多致富文藻去之日囊橐蕭然還至番禺命工摹光孝寺貫休畫羅漢四軸以歸曰此吾廣南宦囊也好書籍石刻嘗乘舟迎總督舟過南海神廟命僕拓碑秉燭竟夜比曉問總督舟已過矣其詩古文自攄所見不傍人門戶在嶺表士子以文就質無虛日獨稱欽州馮敏昌順德胡亦常張錦芳作嶺南三子歌

潛研堂文集

楊嘉模順治初任廣寧縣三年八月賊焚邑東門二十五刻而城失守嘉模與典史平履福俱死之

阮通志

寧堯采山西聞喜人

一作陳水

康熙壬申以進士任廣寧其治績

去今漸遠父老僅能言其概謂其省供億軫艱難官署蕭然

不減儒素至其建西倉築城樓捐修福壽寺田以爲祝聖

之藉續纂新志以備一邑之徵蒞任五年多所整飭其亦勤

政者與

廣寧志

李本潔號澄庵北直盧龍人雍正癸巳登賢書乾隆辛酉令

廣寧易直子諒悉心撫字邑阻山谷夙多虎患不惜多捐貲

費募善捕者擒之卒絕其害壬戌旱饑勸諭富室平糶民困

遂蘇丁卯潦漲或漂沒近坑民舍出金葺以安堵念義學湫

隘捐俸倡衆廓之擇師訓誨樂育髦士

參縣志

有守禦王某之

女刲股療親夙以孝著夫歿無嗣夫故異省來者絕無親族

特撥閒田以贍之又諸生陳某次子傑聘王氏未及婚而歿

王氏奔喪誓不改節卽製我心匪石四字匾旌其門此兩舉

者非風化之本與其餘政事悉能順俗利導云

採訪冊

甯養冲遼陽人順治八年任開平縣知縣仁愛慈惠不避勞苦時開平新造社賊蠭起縣境半爲營壘順治十年養冲詣省力言于大吏請兵誅討督臣命總兵官徐盛偕養冲率兵抵縣大破泮村賊遂圍長沙賊賊勢窮蹙乞降適潮陽有警徐盛撤兵回賊遂逸去養冲亦卽卸任功雖未就而賊之漸以撲滅地方獲靖皆養冲爲之首挫其鋒也

開平志

高子翼字鯤扶福建長樂人順治戊戌進士康熙三年知開平縣爲政寬大愛民如子四年逆賊余富彥播虐平康得行兩都民遭荼毒子翼力請發兵剿滅一邑以安六年捐俸倡建學宮陞湖廣蘄州知州民爲立遺愛祠

阮通志



林子蘭福建舉人康熙九年任開平知縣爲人恬靜寡欲冰  
蘖自持其治務持大綱不爲繁苛而民自不擾旣以事去士  
民思之

薛璧陝西舉人康熙十年任開平知縣節用愛人崇儒重道  
十一月新會縣流賊周德紹等行刦縣之萌頭村璧會同城  
守黎標督兵進剿指授方畧賊無所遁悉就芟夷是年秋大  
旱璧虔誠祈禱甘霖立降又與邑人甄芑等纂開平縣志邑  
之有志自此始

陶世鳳字威仙浙江舉人乾隆三十五年以秀水教諭任滿  
知開平縣甫下車卽聘邑人梁弼亭主義學講席遣子受學  
由是邑中諸生皆知所奮勉開闢荒蕪濬通水圳民咸利之  
其聽訟每以笑語諷諭如家人諄諄而民自服嘗有兄弟訟

者世鳳責其弟曰予年六十六兄現在署中予以清貧不足供其用鞭撻本縣屢次避之何況于汝訟者遂感泣而出其以身教人類如此未及二年調新興新興縣匪徒趙簡祥謀不軌煽惑鄉愚聚黨甚衆未發世鳳知之躬率壯勇往擒其渠魁置餘黨不問全活無算後陞澳門同知

俱同上

黃大鵬字運滄號最峰江南上元人由貢生知平遠縣明銳慈惠治縣有聲雍正十年析置鶴山縣守臣廉其才俾調任始至無城郭署解僑止土屋三椽治事退食胥於是時邑初建百務蝟集鵬悉心區畫夙夜不懈其冬築城明年建學宮立祠廟創官署皆親身經理秩然有序邑故盜區民多流亡田多汙萊鵬攘除菑莽勞來安集惠潮之民襁至如市荷鋤立庭求耕荒地隨方安插土關民聚時錢糧欺隱者衆逐一

清釐田賦正焉雙橋都墟賦銀四百餘兩米四十餘石皆詳請豁免並積年逋賦一千九百餘兩並得蠲除凡所條議切中時事多見報可性好文雅倥偬不廢吟咏著邑志草後人稟之尋罷去卒於省邸邑人就雙橋立祠祀之蓋不啻朱邑之在桐鄉也

吳志

阮懋業字學齋順天大興人雍正癸卯舉人知鶴山縣事廉靜寡慾獎勵士類大官田同知乾隆七年奉裁其衙署將圯懋業詳請改爲書院捐金修理又撥學田以供膏火鶴邑童試籍貫混淆懋業銳意釐剔尋以病致仕民感頌不衰

阮通志

唐若時陝西渭南人解元進士乾隆八年來蒞鶴山值旱民不能耕若時虔禱于縣之崑崙山至半霄吏已不能從若時賈勇徒步直陟其巔禱畢復徒步下去還及縣大雨周四野

歲以有秋若時爲民請命當日方諸德裕之德雨商英之商

霖云九年調繁去任

采訪冊

郭大鐸旌德人雍正十三年任鶴山藥運司巡檢甫蒞任小醜跳梁大鐸親率士兵擒捕夙夜不懈境土以安乾隆三年西潦颶風衝擊古勞圍址大鐸披蓑笠冒風雨督鄉人肩土石林木力禦之賴以不陷性介直上官嘗逮一無辜民令大鐸繫之廉其狀釋之去人爲危之曰吾不忍冤民以媚上後卒於官里民醵金殯之櫬行哭聲載道送至庾嶺者數十人

阮通志

劉晉康號巨源四川舉人知德慶州在任三載政簡刑清四民咸服其德尋陞工部都水司郎中未赴遂寓家焉順治十五年卒康人葬於香山之陽置祭田歲修祀事知州饒崇秩

撰碑志

饒崇秩臨川人貴州銅仁籍舉人順治十年任德慶州事以失城免官十二年復任時地方初定嘯聚之徒遍山谷崇秩運籌畫策次第撲滅尤加意士類後卒於官

阮通志

王基鞏瀋陽人康熙二十八年任德慶州事性強毅執法慈惠愛人在任均糧減役招集逃亡寓撫字於催科夙道漸爲釐楚嚴禁服毒民不輕生平糴賑飢均沾實惠延師掌教戶有絃歌撫綏醜黨闔境帖然

李育熊鑲藍旗人康熙四十七年知德慶州性慈惠遇事嚴明歲飢捐俸賑濟多方勸施米穀民賴以存活無算復修建文廟戟門兩廡調任日士庶攀轅有呼父母而流涕者

張安鼎直隸龍門人康熙五十三年知德慶州修學築城百

廢具與

志誤

有富人子弟爲盜所誣胥吏艷其貲交攻焉久居

囹圄不得白時旱不雨安鼎曰得無獄有冤繫乎出囚慮之復榜通衢曰有爲囚獄直者來一日間爲富人子呈直牘者數至安鼎廉得其實釋之天乃雨州人大悅雍正元年陞羅定州去民書旗幟數百皆去思語也泣而送之

徐志培江南長洲人雍正二年任德慶州事居官愷悌廉明多著政績四年歲歉倡捐施賑一時慕義者甚衆全活萬餘志培不自有其功具情上聞請給旌焉調任欽州額留不允祖德宏滿洲人廕生雍正十年任德慶州在任多所建立創建東城書院延師造士菁莪雅化至今不衰

俱同上

何世珖福建光澤人試用同知乾隆十三年署德慶州廉潔愛民尤愛士朔望必載酒詣書院義學課文清理詞訟巡輯

奸宄實心竭力不憚勤勞

德慶志

邱之澄茂名舉人雍正二年任德慶州學正性廉潔勤課士捐俸督修學宮明倫堂義學不避艱辛有功學校後告歸里

士民尸祝之

吳志

郭曉福建人順治四年任德慶吏目八月李昌運寇州城城

陷曉死之

阮通志

鄔大沛江西人康熙六十一年任德慶州吏目在官廉潔治事明敏雍正四年歲飢上官欲詳請院司始發倉賑濟大沛以爲俟檄文至州則民填溝壑矣力請不得乃勸輸于富室不足又署券借穀若干以賑全活甚衆六年告致回籍

柯玉齊江南人雍正八年任德慶州吏目慈祥愷悌潔已奉公每遇平糶計程按戶逐口分給澤漑窮黎後以憂去士民

勒石以誌遺愛

俱同上

彭天壽滿洲正白旗人康熙四年知封川縣時邑遭蹂躪天壽下車招徠逃亡加意撫綏民安耕鑿復詳請蠲豁徵收以紓民力捐俸倡修城樓縣治不費民財邑人士議祀名宦未果父老言念及之猶低徊不置云

封川草志

郭景祥遼東人康熙十七年以筆帖式改授封川令時吳逆作亂封當兩粵之衝諸軍進討廣西屯兵數十萬次年平南王又率師十二萬駐封景祥勇決骨鯁敢於彈治藩兵不能擾民藉安堵

阮通志

劉衛滿洲鑲紅旗人康熙二十八年知封川縣事性果敢諳練武事三十六年歲荒山寇黃金養等掠文德歸仁二鄉守備何士元擊之被困衛率家丁披堅執銳直抵困所賊懼退



急飛檄請副將統兵數百至衛率壯勇協戰俘馘無算餘黨悉就撫民獲安堵復捐俸倡賑存活以千計四十一年會剿連陽八寨賊大憲廉其能調守連州三江口及還卒於官邑人迄今頌之

封川  
志

許維新雲南通海舉人康熙五十四年任封川縣先是積賊朱天相等聚眾劫掠殺巡檢錢憲於埔花山天相乞撫復叛維新與知府宋志益副總兵謝治率兵剿捕獲賊目殺之餘黨悉平所需軍費皆竭已以辦毫不擾民蒞任六年陋規革除殆盡卒於官民皆泣弔

阮通  
志

閻宗衍字繩武山西長治人康熙六十年知封川縣下車卽延父老詢邑中利弊慨然以康濟爲心尤宏獎士類立文昌祠製刊格言十則期易民風蒞任七載告休歸民請留不得

乃爲立去思碑

封川續志

彭翥字少鵬雲南蒙化人舉人乾隆四十六年挑發廣東封川令邑面江負山民貧土瘠爲粵東西門戶翥慷慨任事倡建學宮修葺城池一切以經術治之政不煩苛而職業大舉尋調香山出海捕盜生擒大懟五十九人獲黨與盜糧無算奏最擢鄂州郡丞兩府表留補瓊州府同知卒

阮通志

胡湘蘭

湘一作鎮

字介根山東膠州人乾隆甲午舉人性剛介遇

權貴不少屈蒞封之日絕苞苴懲衙蠹工書遠近寶之民至有獻荔枝投訟牒求書者如張旭故事嘗自署楹帖云壑鹽

清夢穩鐵石古心存可想見其風概

縣草志

韓海字緯五別字橋村番禺人雍正癸丑進士廷試畢卽赴部自陳改就教職逾半載乃選授封川教諭初到任集諸生

論以敦實行崇古學士習一新而學舍蕭條不供餽粥邑令  
張元方以時供其匱乏海處之晏如也會 詔舉博學鴻詞  
海文名籍甚太守王公言於制軍鄂公即日召見命賦五色  
瑞露及嘉蓮詞四章海詩有云欲待移根歸太液須尋十丈  
藕如船蓋寓言也制軍覽詩愕然命太守諭以保薦之意海  
辭益力旋以科事屆期偕封邑諸生八省而疾作越數日卒

縣志

錢憲封川縣文德司巡檢喜騎射有膽畧康熙五十一年劇  
賊朱天相李高魁等聚衆刼掠憲與把總鍾鳴約期分路剿  
之及期鳴未至憲先潛抵賊巢手刃一賊餘賊走匿叢箐中  
憲復提刀直前揮衆搜捕中賊暗箭死迄今父老猶流涕言

之

阮通  
志

張冲斗四川定遠人舉人康熙七年任開建縣仁廉明敏介  
然有守毅然有爲曾捐俸修建橋廟憫貧窮流寓死無所葬  
捐買城東荒地作義塚瘞之設義勇壯丁以衛閭閻四民安  
堵在任六載卒閭邑哀思

開建志

邵龍元江南人監生任高要縣丞康熙三十年署開建縣事  
清勤自勵惠愛及民捐俸創學宮櫺星門修葺縣志有葉烈  
女自前明天啟以來未邀旌獎乃請立坊旌表建祠祭祀民  
心悅服

張耀璧浙江蘭谿人拔貢乾隆十五年知開建縣操持廉潔  
政教公明造東成西就南薰三子城門以衛城堞修葺橋渡  
以利行人捐俸賑飢設法靖盜增廣書院延師課士夜登城  
樓聽講聲以別勤惰時或至院集諸生談文疊疊不倦復捐

倭獎勵士林鼓舞

俱同上

鄭茂惠潮州饒平舉人順治十三年任開建學教諭春風和氣待士好施談經講藝造就者多後以事被累去任紳士思

慕之

吳志

羅學述東莞舉人乾隆四十六年任開建教諭符思超海康廩貢五十三年署訓導論名師輒稱羅符俱經明行修克盡厥職士類多所造就爭自濯磨以底於成云

采訪冊  
參縣志

相君業浙江人康熙元年任開建典史謹慎供職慈祥恤民謙恭待士葺橋修廟著有成績陞福建清流縣鏡石磯巡檢民立去思碑

阮通志

### 武職

蔡俊封川城守備順治十三年結連獠人剿戮山寇賊首各

赴鄰境投誠民賴安堵爲建生祠縣治門左

阮通志

潘昭康熙元年任那扶營守備惜兵愛民有古良將風時那扶營新設昭至始擇地建營堪輿曰此地言利將不利兵命他擇又曰此地利兵不利將昭曰利兵卽將利矣遂築營旣而水東賊鄭亞十等刼邑之老君堂村擄人口踞新寧之石井昭請兵攻其寨破之亞十遁餘黨盡殲官兵有取擄口匿營內者昭憤然作色曰吾請兵剿賊者正爲此擄口耳今若此與賊何異乃盡搜各營悉出所擄還其家後三年卒於官軍民巷哭擇營前地塋之寒食必祭復製木主祀於老君堂甘露寺之東廂

張權順德人康熙四十八年以武舉任那扶營千總分守恩平城賊刼南郭民權率兵出擊賊聞官兵至急走匿權不舍

躡其後追之賊素知其勇伏炮以伺比至炮發遂中炮死

並舊

恩平志

謫宦一

高馭

魏元忠

韋承慶

張柬之

盧季恂

許遠

呂溫

孫子平

李泳

王昊

趙令則

韋子春

吉溫

貞錫

杜位

崔伯陽

盧杞

白志貞

李甘

崔珙

董重質

李紳

李珣

王著

崔嘏

張直方

康承訓

杜裔

張昺

楊收

竇滂

劉瞻

高湜

崔渾



高潯

姜晦

路巖

韋瓘

趙子崧  
以上唐

李符

王寓

周勣

馮拯

張松

湯邦彥

王履  
以上宋

徐行

張嘉會

黃國用

胡堯時

趙塤

錢萱  
以上明

唐

高戩張說配流欽州時戩謫長史與之交厚別後卒于端州

說復賦詩悲感黃通志

魏元忠宋州宋城人爲太學生上封事言命將用兵之要高宗善之授秘書省正字遷監察御史聖歷二年擢拜鳳閣鸞臺平章事遷左肅政臺御史大夫張易之家奴暴橫元忠管

殺之權豪懼服中宗在東宮爲檢校左庶子時二張勢傾朝  
廷元忠奏曰臣承先帝之顧且受陛下厚恩不能徇忠使小  
人在君側臣之罪也易之等怒因武后不豫卽共譖元忠與  
司禮丞高戢謀挾太子遂下制獄貶元忠高要尉至端州治  
戎旅備洞寇居期月民猶恬謐中宗復位驛詔元忠同中書  
門下三品遷兵部尙書知政事如故武后崩拜中書令封齊  
國公年七十餘謚曰貞

嘉靖志

韋承慶字延休鄭州陽武人自天受以來三掌天官選事銓

授平允海內稱之坐附推張易之弟昌宗失實

舊唐書本傳神龍

元年二月甲寅貶高要尉

舊唐書中宗紀

有送紫石硯者置案上歲

餘起辰州刺史以前硯還之復封扶陽縣子爲黃門侍郎未

拜卒贈秘書監謚曰溫

吳志

張柬之字孟將襄陽人長安中同鳳閣鸞臺平章事未幾遷  
鳳閣侍郎仍知政事及誅張易之兄弟柬之首謀中宗卽位  
以功封漢陽郡王尋爲武三思所構貶授新州司馬舊唐書本傳  
至州愷悌臨民治事勤慎又流瀧州憂憤卒年八十二復贈

中書令諡文貞

吳志

盧季恂前守復州刺史以罪貶恩州司馬

全唐文小傳 欽定

許遠杭州鹽官人

舊唐書本傳

右相敬宗曾孫寬厚長者明吏治

初客河西仇兼瓊辟署劍南府欲以子妻之固辭兼瓊怒以

事劾貶高要尉

新唐書本傳

深得民心凡有赴訴不歸令而歸尉

遇赦放還遮道留之幾不能去後以薦召拜睢陽太守軍中

拜侍御史徇難死贈荊州大都督

舊府志

呂溫爲大中大夫澧陽長史貶晉康郡端溪縣尉

唐大詔令元宗詔

孫平子伊闕人上言春秋譏魯躋僖公今遷中宗於別廟而祀睿宗正與魯同兄臣於弟猶不可躋況弟臣於兄可躋之於兄上乎若以兄弟同昭則不應出兄置於別廟願下羣臣博議遷中宗八廟事下禮官太常博士陳貞節馮宗蘇獻以爲七代之廟不數兄弟殷代或兄弟四人相繼爲君若數以爲代則無祖禰之祭矣今睿宗之室當亞高宗故爲中宗特立別廟中宗旣升新廟睿宗乃祔高宗何嘗躋居中宗之上而平子引躋僖公爲證誣罔聖朝漸不可長時論多是平子上亦以爲然故議久不決蘇獻頌之從祖兄也故頌右之卒從禮官議平子論之不已謫爲康州都城尉通鑑

李泳爲鄧州南陽縣令

開元二十四年坐擅興賦役貶康州

都城縣尉

冊府元龜

王昊按新唐書作昱開元二十四年為益州長史劍南節度使分造

經畧以討吐蕃二十六年昊率劍南兵攻其安戎城吐蕃悉

銳以救官軍大敗昊脫身走免將士及軍糧資仗並沒於賊

昊坐左遷括州刺史初昊之在軍謬賞其子錢帛萬計並擅

與紫袍等所費鉅萬坐是尋又重貶為端州高要尉而死唐書

書吐蕃傳

趙令則天水人起家幽州薊縣尉敏給強濟聞於河朔以直

道事人忤幽州刺史張守珪貶封州開建縣丞後官至虢州

宏農令獨孤見陵集

韋子春京兆人以文學為著作郎時李林甫久柄國咸寧太

守趙奉璋得其隱惡二十事將上之林甫諷御史捕齮奉璋

劾其妖言抵死子春坐與璋善貶端溪尉吳志

青溫詭譎能諂事人李林甫引之於門楊國忠入相素與溫  
交通十三年正月祿山入朝充閑廐使因奏加溫武部侍郎  
兼御史中丞充閑廐苑內營田五方等副使時楊國忠與祿  
山嫌隙已成溫轉厚於祿山國忠又忌之其冬韋陟入奏於  
華清宮廣載河東土物饋於溫國忠諷使人告之對法官陟  
伏其狀貶桂嶺尉溫澧陽長史溫判官貞錫新興尉明年溫  
又坐贖七千匹及奪人口馬奸穢事發貶端州高要尉溫至  
嶺外遷延不進依於張博濟止於始安郡八月遣大理司直

蔣洸鞠之溫死於獄中

舊唐書本傳 按此與上  
呂溫應即一人 吉誤作呂

杜位襄陽人右拾遺甫之從子至德中與甫同在嚴武幕中

後貶新州參軍還爲夔府司馬歷司勳員外郎

全唐文小傳 欽定

唐杜甫寄杜位詩云近聞寬法離新州想見懷歸尙百憂逐  
客雖皆萬里去悲君已是十年流干戈况復塵隨眼鬢髮還

應雪滿頭玉墨題詩心  
緒亂何時更得曲江遊

崔伯陽乾元二年鳳翔府七坊押官先行剽劫州縣不制因  
有刦殺事縣尉謝夷甫因衆怒遂榜殺之其妻訴於李輔國  
輔國奏請御史孫鑒鞫之不能正其事又令中丞崔伯陽三  
司使雜訊之又不得證成其罪令毛若虛推之遂歸罪於夷甫  
伯陽與之言若虛頗不遜伯陽數讓之若虛馳謁告急肅宗  
曰卿且出對曰臣出卽死矣肅宗潛留若虛簾內召伯陽至  
伯陽頗短若虛上怒叱出之

舊唐書毛若虛傳

伯陽貶端州高要尉

舊唐書  
李愬傳

盧杞字子良故相懷慎之孫居相位忌能妬賢奉天之奔播  
職杞之由故天下無良不肖視杞如讐德宗在奉天爲朱泚  
攻圍李懷光自魏縣赴難或謂王翊趙贊曰懷光累歎憤以

爲宰相謀議乖方懷光勲業崇重聖上必開襟布誠詢問得失使其言入豈不殆哉翎贊白於杞大駭懼從容奏使懷光乘勝進收京城帝然之乃詔懷光率衆屯便橋克期齊進懷光大怒遂謀異志德宗方悟爲杞所構舊唐書本傳建中四年十

二月貶爲新州司馬

舊唐書德宗紀

白志貞本名琇珪故太原吏也累擢司農卿在官十年德宗以爲敏達倚腹心進授神策軍使賜今名有所建白善窺億帝指故言無不從從狩奉天以爲行在都知兵馬使懼李懷光暴其惡乃與趙贊盧杞等抑懷光不使朝懷光反論斥其

姦

新唐書本傳

建中四年十二月貶恩州司馬

舊唐書德宗紀

李甘字和鼎長慶末第進士舉賢良方正異等累擢侍御史鄭注侍講禁中求宰相朝廷譴言將用之甘顯倡曰宰相代



天治物當先德望後文藝注何人欲得宰相白麻出我必壞  
之既而麻出乃以趙儋爲廊坊節度使甘坐輕肆貶封州司  
馬甘貶所惠蹟頗多曹鄴作續幽怨詩哀之

吳志

崔珙其先博陵人性威重精吏治開成末累進刑部尙書諸  
道鹽鐵轉運使俄同中書門下平章事會昌二年進位尙書  
左僕射與崔鉉有怨及鉉宰相代爲使卽奏珙妄費宋滑院  
鹽鐵錢九十萬緡又劾與劉從諫厚數護其奸貶澧州刺史  
再斥恩州司馬會昌四年六月也在恩踰歲清苦自持寬和  
得衆心嘗往州西登眺人名其岡曰丞相嶺云宣宗卽位赦  
召爲太子賓客鳳翔節度使乞致仕

陽江舊志

董重質本淮西牙將吳少誠之子婿也性勇悍識軍機善用  
兵及元濟拒命重質又爲謀主李愬旣擒元濟重質之家在

蔡愬乃安卹之仍使其子持書禮以召重質重質慨然以單  
騎歸愬白衣叩伏愬揖登堦以賓禮與之食憲宗欲殺之愬  
奏許以不死而來降請免之於是貶春州司戶參軍舊唐書本傳  
愬上表請恕重質賜之官堪於軍前驅使卽詔徵還賜武寧  
軍愬乃署爲牙將舊唐書李晟傳

李紳字公垂世宦南方客潤州元和初擢進士第穆宗時爲  
戶部侍郎李逢吉欲陷之會敬宗立逢吉使王守澄從容奏  
言先帝始議立太子杜元穎李紳勸立深王獨宰相逢吉請  
立陛下請逐之帝初卽位不能辨乃貶紳爲端州司馬韋處  
厚屢言紳枉後天子於禁中得先帝手緘書一筒發之見裴  
度元穎紳三疏請立帝爲嗣始大感悟悉焚逢吉黨所上謗  
書始紳南還厯封康間湍瀨險澁惟乘漲流乃濟康州有媼

龍祠舊傳能致雲雨紳以書禱俄而大漲

新唐書本傳

至端政事

之暇以詩自娛紀所歷皆為長句名追昔遊自檢益嚴端人

見之皆感泣舊謫嶺海才身往紳獨令家屬自衡陽歷湘灘

抵端竟恬如也寶歷赦令得徙江州長史端人攀留不可留

其衣帶祠之累遷淮南節度使武宗召拜中書侍郎同中書

門下平章事封趙郡公節度淮南卒贈太尉諡文肅

嘉靖志

李珣字待價趙郡人進士擢第太和五年入翰林充學士開

成三年楊嗣復輔政薦珣以本官同平章事武宗即位之年

九月與楊嗣復俱罷相出為桂州刺史桂管觀察使

舊唐書本傳

會昌元年三月貶端州司馬

舊唐書武宗紀

王著貶端州司戶參軍

杜牧樊川集

崔嘏字乾錫為中書舍人誼士也李德裕之斥坐書制不深

切貶端州刺史

新唐書李德裕傳

涖任盡心民事笞榜不加獄市自

清嘗觀案牘一滑稽吏以其目眇笑之曰真崔瞽也蝦殊不

介意玩讀終篇人服其量後以壽終

吳志

張直方范陽人宣宗時爲檢校尙書右僕射性暴率坐以小

罪箠殺金吾吏改右羽林統軍縱部下爲盜貶康州司馬

新唐書

張仲武傳

康承訓字敬辭推門功進累左神武軍將軍宣宗擢義武節

度會南詔破安南詔徙嶺南西道城邕州合容管經畧使隸

之遂統行營兵馬南詔深入承訓分兵六道出以掩襲戰不

利謬言大破賊告於朝加檢校尙書右射僕嶺南東道節度

使韋宙白狀宰相承訓暫移疾授右武衛大將軍分司東都

咸通中武寧戍兵反推寵勳爲長游民多從之拜承訓檢校

尚書右僕射義成軍節度使討之凡二歲滅遷檢校左僕射  
同中書門下平章事徙節度河東於是宰相路巖韋保衡劾  
承訓討賊逗撓貪虜獲不時上功貶恩州司馬僖宗立授左  
千牛衛大將軍卒

新唐書康  
日知傳

杜裔休懿宗時歷翰林學士給事中坐貶端州司馬

新唐書  
杜祐傳

張昺字公表河間人會昌四年進士擢第釋褐壽州防禦判  
官于琮布衣時客遊壽春郡守待之不厚昺以琮衣冠子異  
禮遇之琮將別謂昺曰吾饒逆旅翁五十千郡將之惠不登  
其數如何昺方奉母家貧適得俸絹五十匹盡以遺琮約曰  
他時出處窮達交相卹也昺累辟太原掌書記大中朝琮爲  
翰林學士俄登宰輔判度支召昺爲司勳員外郎判度支尋  
用爲翰林學士承旨咸通末琮爲韋保衡所構譴逐昺坐貶

封州司馬封民語不可解初時教以文義漸知詩書士子曰來請益與論文章無倦後琮得雪襖至吏部尚書天平節度

使舊通志

楊收字藏之同州馮翊人開成末一舉登第累遷門下侍郎刑部尚書以交趾未復南蠻擾亂請治軍江西以壯出嶺之師乃於洪州置鎮南軍屯兵積粟以餉南海天子嘉之收居位稍務華靡頗為名輩所譏而門吏僮奴倚為姦利八年按懿

宗時當是咸通

十月罷知政事檢校工部尚書出為宣歙觀察使韋

保衡作相又發收陰事言前用嚴譔為江西節度納賂百萬

明年八月貶為端州司馬尋盡削官封長流驩州舊唐書本傳

竇滂代李師望為定邊軍節度使胥冒尤不法誅責苛纖甚

師望

新唐書南蠻傳

咸通十年十一月南詔蠻驃信坦綽酋龍率眾

肇慶府志

卷十七

謫位

三五

二萬寇雋州定邊軍節度都頭安再榮守清溪關爲賊所攻再榮退保大渡河隔水相射凡九日八夜滂勒兵拒之十二月驃信遣清平官十餘人來僞和與滂語次蠻軍船棧競渡忠武武寧軍兵士結陣抗之接戰自午及申蠻軍稍却滂自縊於帳中徐州將苗全緒解之曰都統何至於是但安心全緒與再榮宏節等血戰取勝全緒三人率兵而出滂乃單騎宵遁明日蠻軍遁走

舊唐書  
懿宗紀

十一年二月貶滂爲康州司戶

通鑑

劉瞻字幾之桂陽人舉進士博學宏詞累遷太常博士劉瑒執政薦爲翰林學士拜中書舍人進承旨出爲河東節度使咸通十一年以中書侍郎同中書門下平章事同昌公主卒懿宗捕太醫韓紹宗等送獄逮繫宗族數百人諫官無敢言

瞻上言紹宗術不能效情有可矜陛下徇愛女囚平民未免肆暴不明之謗帝大怒賜罷以檢校刑部尚書同平章事爲荆南節度使路巖韋保衡復爲惡言聞帝俄斥廉州刺史巖等殊未慊按圖視驩州道萬里卽貶驩州司戶參軍事命李庾作詔極詆將遂殺之天下謂瞻頗正特爲譏擢舉以爲冤幽州節度使張公素疏解巖等不敢害僖宗立徙康州刺史政平訟理民甚德之以刑部尚書召復以中書侍郎平章事

吳志

高湜字澄之第進士累官右諫議大夫咸通末爲禮部侍郎

旣以兵部侍郎判度支出爲昭義節度使爲下所逐貶連州

司馬

新唐書高竊傳

再鎮澤潞爲亂將所逐貶高要尉

舊唐書柳公綽傳

崔渾爲太常少卿乾符三年十一月貶康州刺史

舊唐書僖宗紀



高潯昭義節度使中和元年八月與賊將李詳戰于石橋爲賊所敗退歸河中賊乘勝陷同州九月貶潯端州刺史

舊唐書信

宗紀

姜晦秦州上邽人高祖嘗與唐高祖有舊授本州刺史曾祖確以平高冑功封金城郡公祖簡襲爵父柔遠鷹揚衛將軍晦以世家子起家叅軍縣令有威惠聲開元初擢御史中丞兄皎復識元宗於藩邸爲太常卿有權寵晦爲吏部侍郎主選胥吏嘗請托爲奸前領選者周棘扈藩檢室內外猶不禁至晦悉除之示無防限然處事精明私相屬諉罪輒得皆以爲神始晦革舊示簡廷議恐必敗旣而贓賅路塞而流品有敘衆乃服皎被族晦亦除中正卿貶春州司馬遇旱禱於射木山輒雨因立神祠洞獠出嘗提兵陟岡禦之賊皆遁去遂

名將軍嶺云後徙海州刺史卒

吳志

賈嚴字伯瞻魏州冠氏人幼惠敏過人及進士第懿宗咸通初自屯田員外郎入翰林爲學士以兵部侍郎同中書門下平章事年三十六居位八歲進至尙書左僕射於是王政私僻宰相得用事嚴顧天子荒闇且以政委已乃通賂遺奢驛不法俄而韋保衡同當國時目其黨爲牛頭阿旁言如鬼陰惡可畏也旣權牢則爭與保衡還相惡俄罷嚴爲劍南西川節度使承蠻盜邊後嚴力拊循西川八國來朝以勞遷兼中書令封魏國公始爲相時委事親吏邊咸咸乃與郭籌者相依倚爲奸嚴不甚制軍中惟邊將軍郭司馬爾妄給與以結士心嘗問武都楊咸籌蒞之其議事以書相示則焚之軍中驚以有異圖恟恟遂聞京師嚴坐是徙荆南節度使道貶新

州刺史至江陵免官流儋州籍入其家捕誅咸等嚴至新州詔賜死剔取喉上有司或言嚴常密請三品以上得罪誅極剔取結喉驗其已死俄而自及

新唐書本傳

韋瓘京兆人仕至中書舍人與李德裕善李宗閔惡之德裕罷相太和八年謫官康州大中元年冬遷楚州刺史二年擢太僕卿分司東都過梧溪有題名存焉

德慶志

趙子崧字伯山端明殿學士建炎初以忠鯁敢言忤權臣南遷德慶有豁然亭斷碑猶存

同上

宋

李符字德昌大名內黃人陽春圖經云盧多遜貶朱崖諫議大夫李符適知開封府求見趙普言朱崖雖在海外而水土無他惡流竄者多獲全春州在內地而近至者必死望改前

令亦以外彰寬宥乃置於必死之地普頷之後月餘符坐事貶宣州行軍司馬上怒未已令再貶嶺外普具述其事卽以符知春州

輿地紀勝

王寓欽宗卽位幹商不圍京師朝廷議割三鎮以和欽宗以康王使幹商不軍尙書左丞王寓副之寓辭行欽宗怒貶新

州

東都事畧王雲傳

周勣閬人也張浚帥福建辟勣幕官時趙鼎貶潮州道遇人莫敢相顧勣獨沿檄往明州爲挈家寓居福之外邑坐貶封

州

黃通志

馮拯字道濟河陽人舉進士補大理評事洊擢右正言涓化中有上封事請立皇太子者拯與尹黃裳王世則洪湛伏閣請立許王元僖太宗怒悉貶嶺外拯知端州旣至上言請遣

使括諸路隱丁更制版籍及議鹽法通商凡十餘事太宗欲

召還叅知政事寇準素不悅拯乃徙知鼎州改通判廣州

宋史

本傳拯知端州見嶺表鳥獸草木民俗物情舉異中原錄爲三

十門凡三百事還朝上之

文獻通考

張松字茂才淳熙元年自淮西總領謫新州未幾謫南恩州

吳志

湯邦彥淳熙二年右司諫奉使北庭次年謫新州六年移嶺

州

新興縣

王履元符末坐上書貶斥新州後以修武郎副李若水使金

抗節不屈與若水俱死

吳志

明

徐行字同倫進賢人永樂三年以監察御史左遷德慶州判

官學優才瞻有守有爲興利除害德威並濟政暇則臨學校  
誨生徒士民戴之如父母

張嘉會湖廣人宣德中以御史謫封川典史署開建縣事廉  
幹有爲恩威並施在縣一年遷學校撫流民百廢具興四民

悅服

並吳志

黃國用字子思吉水人由進士任監察御史嘉靖三年議禮  
謫蓮塘驛丞僑居高要諸生從之遊執經講學六年陞州判

終按察司僉事

辛酉志

胡堯時字子中泰和人進士嘉靖乙未由給事中謫知新興  
縣治尙寬恕救荒有道在任四年猺獠歸服頑民向化厯陞

按察使士民懷之

新興志

趙垣字平仲餘姚人嘉靖進士主事刑部郎謫官稍遷肇慶

府同知孤行一意人不敢干以私號趙鐵面清介自持命家  
僮植蔬自給聽訟明決吏人拱手而已時征封川麒麟白馬  
山轉餽數百人部者欲掩殺爲功填董饒知其謀力衛脫之  
陞廣西僉事廣東叅議致仕歸萬厯間祀名宦嘉靖志  
錢萱字懋孝海鹽人由進士官禮部員外郎嘉靖間謫德慶  
州同知廉靜自處平易近人暇則課諸生訓勉不輟卒於官  
士民哀之同上

按高要舊志載法華寺係謫官沈榮建一壺亭係謫  
官李璋建李璋嘉靖時人另見流寓沈榮事無考附  
錄於此

謫宦二

流徙

安置

編管

顧譚

顧承

張休

袁守一

劉幽求

郭元振

沈佺期

盧藏用

裴虛已

李涉

辛景湊

韋堅

李宗閔

張瑄

宋渾

陳歸

裴液

蕭位弟  
佩儒偁

沈璧

權長孺

楊叔元

吳士矩

崔懿兒

趙博宣

張思鈞

楊逢

李福

郭天信

賈子展

王大節

劉士

以上  
流徙

崔祝

蔡確

劉摯



胡寅

丁大全

鄭剛中

曹泳

呂愿中

以上安置

王履

鄒浩

胡銓

辛永宗

以上編管

吳

顧譚字子默弱冠與諸葛恪等爲太子友從中庶子轉輔正都尉赤烏中代恪爲左節度加奉車都尉薛綜爲選曹尙書固讓譚曰譚心精體密貫道達微才照人物德允衆望誠非愚臣所可越先後遂代綜祖父雍卒數月拜太常代雍平尙書事是時魯王霸有盛寵與太子和齊衡譚上疏由是霸與譚有隙時長公主壻衛將軍全琮子寄爲霸賓客素領邪譚所不納先是譚弟承與張休俱北征壽春全琮時爲大都督與魏將王凌戰於芍陂軍不利魏軍乘勝陷沒五營將秦兒

張休承奮擊之遂駐魏師琮羣子緒端亦并爲將因敵旣駐乃進擊之凌軍用退時論功行賞以爲駐敵功大退敵功小休承并爲雜號將軍緒端偏裨而已寄父子益恨其構譚譚坐徙交州幽而發憤著新言二十篇其知難篇蓋以自悼傷也見流二年年四十二卒於交阯

吳書本傳並裴注

按孫權傳秦兒作秦晃譚卒於交阯似不應采然吳時交州刺史治在今封川地或初徙時在州治後乃卒於交阯亦未可知且爲下顧承張休張本故存之

阮通志

顧承爲侍中芍陂之役拜奮威將軍出領京下督數年與兄

譚張休等俱徙交州年三十七卒

吳書本傳

張休字叔嗣彭城人昭孫弱冠爲太子登僚友權嘗夜獵追

卷一百一十一  
唐  
睿乃歸休上疏諫權大善之後爲侍中遷揚武將軍以芍陂  
論功事徙交州中書令孫宏佞僞險詖休素所忿宏因是譖  
訴下詔書賜休死

吳書張昭傳

唐

袁守一中宗朝官右臺侍御史坐黨宗楚客配流端州

全唐文小

傳

劉幽求冀州人聖厯中應制舉拜閬中尉刺史不禮焉棄官  
去久之授朝邑尉桓彥範等誅張易之昌宗而不殺武三思  
幽求謂彥範曰公等無墓地矣旣五王皆爲三思構死臨淄  
王八誅韋庶人預叅大策授中書舍人參知機務睿宗立拜  
侍中先天元年爲尙書右僕射同中書門下三品幽求自謂  
有勞於國在諸臣右而寶懷貞爲左僕射崔湜爲中書令心

殊不平已而湜等附太平公主將爲逆幽求與右羽林將軍張暉定謀使暉說元宗曰湜等皆太平黨與日夜謀不軌若不早圖太上不得安枕矣臣請督羽林兵誅之帝許之未發也而暉漏言於侍御史鄧光賓帝懼卽列其狀睿宗以幽求等屬吏奏以疎聞親罪死帝密申祐之乃流封州明年太平誅卽召復舊官知軍國事

吳志

郭元振

新唐書作郭震字元振以字行

魏州貴鄉人舉進士授通泉尉任俠

使氣不以細務介意則天聞其名召見與語甚奇之時吐蕃請和乃授元振右武衛鎧曹叅軍充使聘於吐蕃大足元年遷涼州都督隴右諸軍州大使善於撫御在涼州五年夷夏畏慕及肅至忠實懷貞等附太平公主潛謀不順元宗發羽林兵誅之睿宗登承天門元振躬率兵侍衛之事定論功進

封代國公元宗於驪山講武坐軍容不整引坐纛下將斬以  
徇劉幽求張說於馬前諫曰元振有翊贊大功雖有罪當從  
原宥乃赦之流於新州尋又思其舊功起爲饒州司馬元振  
自恃功勲怏怏不得志道病卒年五十八贈太子少保舊唐書  
沈佺期字雲卿內黃人及進士第由協律郎累除給事考功  
受賕劾未究會張易之敗長流驪州久寓端康有峽山寺賦  
人傳誦之高要志

盧藏用字子潛幽州范陽人度支尚書承慶之姪孫也長安

中徵拜左拾遺景龍中爲吏部侍郎性無挺特多爲權要所

逼頗隳公道先天中坐託附太平公主流新州新唐書志參舊唐書

裴虛已任光祿少卿駙馬都尉元宗時禁諸王不與羣臣交

結虛已坐與岐王遊宴流新州新唐書志

李涉洛陽人徙家潤州白鹿洞主李渤之兄也憲宗時爲太

子通事舍人太和中補太學博士自號清虛子實厯初坐與

武昭善流康州

德慶志

辛景湊爲通事舍人坐楊慎矜黨流嶺南晉康郡

全唐文元宗詔

按舊唐書楊慎矜傳作配流義陽郡司馬

阮通志

韋堅京兆萬年人爲長安令以轉運江淮租賦所在置吏督

察以裨倉廩歲益鉅萬元宗以爲能擢陝郡太守鑿成新潭

特與三品進銀青光祿大夫李林甫懼其詭計求進承恩曰

深乃與腹心構成其罪天寶五載正月望夜堅與河西節度

鴻臚卿皇甫惟明夜遊同過景雲觀道士房爲林甫所發以

堅戚里不合與節將狎暱是構謀規立太子元宗惑其言遽

貶堅爲縉雲太守七月長流嶺南臨封郡

舊唐書本傳

李宗閔太原人鄭元懿王四世孫擢進士調華州叅軍事舉  
賢良方正與牛僧孺詆切時政觸宰相李林甫惡之久流落  
不偶後從藩府辟署入授監察御史中書舍人太和中以吏  
部侍郎同平章事時德裕自浙西召欲入相而宗閔引牛僧  
孺同秉政久之德裕爲相俄出宗閔節度山南西道復貶潮  
州司戶叅軍徙衢州司馬久之擢杭州刺史遷太子賓客分  
司東都文宗崩會昌中劉稹以澤潞叛及敗得宗閔交通狀  
貶漳州刺史流封州宣宗卽位徙郴州司馬未離封遽病卒

封川志

張瑄與楊慎矜共解圖讖

新唐書

李林甫心嫉之構成其罪詔

楊慎矜賜自盡張瑄決六十長流嶺南臨封郡死於流所

舊唐書

宋渾弟恕

宋景子

邢州南和人渾爲東京採訪使弟爲劍南採

訪判官依倚權勢頗爲貪暴又養刺客李晏天寶九載並爲

人所發職私各數萬貫林甫奏稱璟子渾就東京臺推恕就

本使劍南推皆有實狀渾流嶺南高要郡恕流海康郡

舊唐書宋

傳

陳歸貞元中爲考功員外郎充嶺南選補使注官美惡唯意

出入復供求無厭郵傳患之監察御史韓泰奏劾其罪配流

恩州

册府元龜

駙馬都尉裴液異父弟蕭鼎爲蜀州別駕與商州鄭陽令韋

恪太子詹事李昇等出入部國公主第公主肅宗之女也出

降駙馬蕭升升早卒穢聲流聞德宗怒貞元中幽主於別第

昇貶嶺南鼎恪決四十長流嶺表公主行厭禱其子位液爲



禱文位弟佩儒偲及液并長流端州六年郃國薨位兄弟及

液詔遷京師液父徽初尙郃國徽卒降蕭升

舊唐書蕭復傳

沈璧爲于頔孔目官元和中內官梁守謙掌樞密頗招權利

有梁正言者勇於射利自言與守謙宗盟情厚于頔子敏與

之游處正言取頔財賄言賂守謙以求出鎮久之無效敏責

其貨於正言乃誘正言之僮支解棄於溷中八年齊敏奴王

再榮詣銀臺門告其事卽日捕璧家僮十餘入於內侍獄鞫

問尋出付臺獄按問搜死奴於其第獲之璧決四十配流封

州

舊唐書于頔傳

權長孺鹽鐵福建院官坐贓一萬三百餘貫元和十四年七

月詔付京兆府杖殺之其母劉求哀於宰相帝愍其母老詔

杖八十長流康州

冊府元龜

楊叔元太和四年興元軍亂殺節度使李絳文宗以溫造檢校右散騎常侍興元尹山南西道節度使許以便宜從事造至襄城會興元都將衛志忠征蠻回謁見卽留以自衛密與志忠謀又召親將張丕李少直各諭其旨下車置宴牙門坐定將卒羅拜志忠兵周環之造曰吾欲問新軍去住之意可悉前舊軍無得錯雜勞問旣畢傳令坐及酒匝卽召坐卒詰以殺絳之狀志忠張丕夾階立拔劍呼曰殺圍兵齊奮其賊首教練使邱鑄等并官健千人皆斬首於地監軍楊叔元在坐遽起求哀擁造靴以請命遣兵衛出之以俟朝旨勅旨配流康州

舊唐書溫造傳

叔元始激兵亂者也人以造不戮爲恨

新唐書溫

傳造

吳士矩章敬皇后弟澈子文學蚤就喜與豪英游故人人助

爲談說開成初爲江西觀察使饗宴後縱一日費凡十數萬  
初至錢庫二十七萬緡晚年纔九萬軍用殫匱無所仰事聞  
中外共申解得以親議文宗弗窮治也貶蔡州別駕監官執  
處其罪不納於是御史中丞狄兼謩言陛下擢任士矩非  
私也士矩負陛下而治之亦非私也請遣御史至江西卽訊  
使杜江淮它鎮循習意帝聽乃流端州

新唐書  
吳縉傳

崔黨兒咸通十年八月和州防虞行官石侔等一百三十人  
狀訴刺史崔雍稱賊逼州城雍與賊頭吳約於鼓角樓上飲  
酒許與賊州又認軍事判官李譙爲親弟表狀驅使官張立  
爲男只乞二人并身其餘將士束手被斬者八百餘人兼科  
配軍州官吏修葺城池妄稱出料錢修城者勅賜自盡其男

黨兒等僧配流康州

舊唐書  
懿宗紀

趙博宣冀州人登進士第文章俊拔性率多酒失陳許節度使曲環辟爲從事賓筵之間多所忽畧環不能容朝廷方討淮蔡環誣奏博宣受吳少誠賂爲反問又妄說國家休咎煽惑軍情時博宣權知舞陽縣事詔令環決四十流於康州人皆以爲枉

吳志參唐書

宋

張思鈞邢州沙河人少善擊劍挽强至道中爲鄜延巡檢使寇逼保安軍與曹璨往援追躡五十餘里至本場寇乃遁去咸平中以王鈞之亂出兵保縣州賊陷漢州思鈞進攻克之斬僞刺史苗進又與石普敗賊彌牟砦巴西尉傅勣有善馬思鈞棄之勣不與思鈞平賊心恃功居多召勣至責以轉餉後期斬之上聞其事傳召付御史臺鞠治罪當斬特貸之削

籍流封州六年起爲左司禦率府卒考城監軍

宋史本傳

楊逢咸平五年王漢忠坐違詔無功責爲左屯衛上將軍出知襄州未上道暴得疾卒後其子從吉詣闕上書訟父冤因慝詆羣臣有行賂樹黨及蒙蔽邊防屯戍艱苦之事真宗命樞密王繼英等問狀從吉止誦狀中語他無所對上以從吉付御史具伏乃進士楊逢爲之辭從吉坐除名配隨州逢杖

配春州

宋史王漢忠傳

李福鎮州副都部署咸平六年五月癸丑坐望都之戰臨陣

退衄削籍流封州

宋史真宗紀

郭天信字佑之開封人以技隸太史局徽宗爲端王天信密白曰王當有天下旣而卽帝位因得親暱不數年至樞密都承旨節度觀察留後政和初拜定武軍節度使見蔡京飢國

每托天文以撼之且云日中有黑子帝甚懼京由是黜張商英方有時望天信往往稱於內朝商英亦欲備左右游談之助陰與相結商英勸帝節儉稍裁抑僧寺帝始敬畏之而近侍積不樂聞言浸潤眷日衰京黨因是告商英與天信瀾瀾禁中語言天信先發端窺伺上旨動息必報乃從外庭決之無不如志商英遂罷御史中丞張克公復論之詔貶天信昭化軍節度副使單州安置命宋康年守單幾其起居再貶行軍司馬竄新州又徙康年使廣東天信至數月死京已再相猶疑天信挾術多能死未必寔令康年選吏發棺驗視焉

宋史

賈子展紹興二十四年八月以會中有嘲詈講和之語子展

竄德慶府

宋史秦檜傳

王大節江州都統開禧二年六月壬子除名袁州安置尋徙

封州

宋史寧宗紀

明

劉仕陝西咸寧人以郎中謫戍高要後宥歸

吳志

有張老人者

其妾生子且數齡矣老人死劉將歸買其妾并子而去穎敏

劉亦以子畜之弱冠領鄉薦于陝遂從劉姓

高要舊志

以上並

流徙

唐

崔祝唐憲宗詔崔祝康州安置

全唐文

宋

蔡確字持正泉州晉江人第進士調邠州司理叅軍自知制誥爲御史中丞叅知政事皆以起獄奪人位而居之士大夫

交口咄罵而確自以爲得計元豐五年拜尙書右僕射兼中  
書侍郎哲宗立轉左僕射爲永裕山陵使靈駕發引之夕不  
宿於次在道又不扈從還又不丐去御史劉摯王巖叟言確  
有十當去太皇太后不忍卽退斥元祐元年閏二月始罷爲  
觀文殿學士知陳州明年坐弟碩事奪職徙安州又徙鄧州  
確在安陸嘗游車蓋亭賦詩十章知漢陽軍吳處厚上之以  
爲皆涉謗訕於是左諫議大夫張燾右諫議大夫范祖禹左  
諫議吳安詩右諫議王巖叟右正言劉安世連上章乞正確  
罪遂貶光祿卿分司南京再責英州別駕新州安置宋史本傳  
劉摯字莘老永靜東光人擢甲科用薦得館閣校勘王安石  
一見器異之遷監察御史裏行入見神宗問卿從學王安石  
耶安石極稱卿器識對曰臣東北人少孤獨學不識安石也



哲宗卽位擢侍御史正色彈劾多所貶黜百僚敬憚時人以  
比包拯累遷至尙書右僕射摯性峭直有氣節通達明銳觸  
機輒發不爲威怵利誘故與邢恕善又聞與章惇接由是言  
官交章擊之以觀文殿學士罷知鄆州紹聖初再貶光祿卿  
蘄州居住四年陷刑恕之謗貶鼎州團練副使新州安置惟  
一子從家人涕泣願侍皆不聽至新州數月以病卒年六十  
八徽宗立用子跂請得歸塋紹興初贈少師諡曰忠肅

史

吳志  
夢宋

胡寅字明仲安國弟之子也中宣和進士甲科紹興四年爲  
起居郎遷中書舍人時議遣使入雲中寅上疏言女真乃國  
大讐無可通之義寢罷使命高宗嘉納云胡寅論使事詞旨  
剴切降詔獎諭旣而張浚自江上還竟反前旨寅復奏疏寅

既與浚異遂乞便郡就養知嚴州改知永州尋除禮部侍郎  
兼侍讀直學士院丁父憂免喪時秦檜當國除徽猷閣直學  
士提舉太平觀俄乞致仕遂歸衡州檜忌寅雖告老猶憤之  
坐與李光書譏訕朝政落職右正言張復劾寅不持本生母  
服不孝諫通鄰好不忠責授果州團練副使新州安置檜死  
詔自便尋復其官紹興二十一年卒寅志節豪邁新州謫命  
下卽日就道在謫所著讀史管見數十萬言及論語詳說皆  
行于世

宋史本傳

丁大全鎮江人嘉熙進士爲戚里婢壻詔事內侍董宋臣輩  
獵遷侍御史兼侍讀訐攻丞相黃槐而奪其位開慶元年元  
人帥師渡江進園州大全匿不以聞遂罷相判鎮江府中書  
舍人洪弁論大全鬼蜮之資穿窬之行引用凶險陷害忠良

濁亂朝綱遏絕言路乞奪官遠竄以謝天下臺臣連章劾之  
貶貴州團練使尋安置新州權直舍人院劉震孫劾大全罪  
惡深重宜徙海島於是遣州將畢遷護行舟過藤州擠於水  
而死世謂大全貌陋心險無異盧杞而醜行過之

新興志

鄭剛中字亨仲婺州金華人登進士累遷侍御史使金還除  
禮部侍郎出爲四川宣撫使治有方略秦檜怒其專擅剛中  
語人曰孤危之跡獨賴上知耳檜聞愈怒遂謫桂陽軍再貶  
濠州團練使復州安置再徙封州卒

吳志參宋史

曹泳秦檜微時借人債不足曹泳贈以雙縑檜深德之比秉  
政引薦官至戶部侍郎知臨安府及檜病篤高宗幸其第視  
疾檜已不能言懷中出一劄乞以其子熺代輔政上視之無  
語出呼幹辦府問何人爲此則答以泳

黃通志

紹興二十五

年冬十月丙午檜薨丁酉曹泳停官新州安置二十六年春

正月丙寅吉陽軍編管

宋史高宗紀

呂愿中直徽猷閣食虐附秦檜紹興二十六年二月庚子謫

果州團練副使封州安置

同上

以上並安置

宋

王履字坦翁開封人元祐初從父景琚南郊恩爲三班奉職元符中上書編置新州入黨籍靖康初除相州觀察使扈駕

被留死之

宋詩紀事

按王履已見謫宦上疑同是一人事蹟互詳因並存之

鄒浩字志完常州晉陵人第進士哲宗親擢爲右正言有請以王安石三經義試舉人者浩論其不可而止時章惇用事

已廢孟后遂立劉后浩上疏乞追停冊禮別選賢族坐除名  
新州羈管王回等祖送蔡卞安惇奏請逮治從之蔡京章惇  
遂令惇鞠浩事檄廣東使者鍾正甫攝治之於新州士大夫  
或千里會逮被禍者七八百人天下怨疾徽宗卽位以舊官  
召浩還朝遷左司諫疏言朝廷之事頗異於卽位之初後以  
寶文閣待制知江寧府徙杭越州初浩還朝帝問諫立后草  
對曰焚之矣後蔡京使其黨爲僞疏言劉后殺卓氏而奪其  
子遂再謫衡州別駕尋竄昭州五年始得歸卒年五十二高  
宗卽位贈寶文閣直學士諡曰忠

吳志參  
宋史

胡銓字邦衡廬陵人建炎二年擢進士第五人後爲樞密院  
編修官紹興八年金使至以詔諭江南爲名銓上書力排和  
議乞斬秦檜王倫孫近三人頭竿之藁街檜以銓狂妄凶悖

謫監廣州鹽倉明年改僉事威武軍判官十二年諫官羅汝楫劾銓飾非橫議詔除名編管新州同郡王廷珪以詩贈行坐流辰州十八年新州守臣張棣訐銓與客唱酬謗訕怨望移謫吉陽軍二十六年檜死量移衡州登南恩望海臺賦詩而後行自號澹庵老人乾道初爲工部侍郎七十以資政殿學士致仕薨謚忠簡

辛永宗湖南副總管紹興十九年冬十月己未停官肇慶府

編管

宋史高宗紀

坐不附和議

宋史秦檜傳

以上並編管

按遷謫內如宋史本傳劉安世貶新州別駕安置英州旋徙梅州別駕爲虛銜實未至新州凡此之類皆不錄

肇慶府志卷十七終

高要周汝珉校字